

**Kalaallit Nunaanni eqqartuussisarnermi inatsisip, Meeqqat inatsiseqartitaanerannik Kalaallit Nunaanni inatsisip, aappariilersarneq aappariikkunnaartarnerlu pillugit Kalaallit Nunaannut inatsisip aamma aappariinnermi inatsisitigut kingunerisassat pillugit Kalaallit Nunaannut inatsisip allanngortinneqarnissaannik siunnersuut (Kalaallit Nunaanni kingornussisarneq agguasarnerlu pillugit inatsisit nutarterneqarnerisa kingunerisaanik allannguinerit) pillugu tusarniaanermi akissut**

**pillugu**

## **TAKUSSUTISSAQ OQAASEQAASERSUGAQ**

### **1. Tusarniaaneq**

Inatsisissatut siunnersuutissatut missingersuut piffissami 18. oktobari 2021-mit 15. novembari 2021-mut oqartussaasoqarfinnut soqutigisaqaqatigiiffinnullu il.il. ukununnga tusarniutigineqarsimavoq:

Advokatrådet, Avannaata Kommunia, Kalaallit Nunaanni Biskoppeqarfik, Meeqqat Illersuisuat, Danske Advokater, Danske Familie Advokater, Den Danske Dommerforening, Kalaallit Illuutaat Aalborg, Kalaallit Illuutaat Aarhus, Kalaallit Illuutaat København, Kalaallit Illuutaat Odense, Direktoratet for Kriminalforsorgen, Dommerfuldmægtigforeningen, Domstolsstyrelsen, Foreningen af Offentlige Anklagere, Forsvarerforeningen i Grønland, Fængselsforbundet, Nunatsinni Advokatit, Sulisitsisut, Nunatta Eqqartuussisuuneqarfia, Kalaallit Nunaanni Politiit Peqatigiiffiat, Inuit Pisinnaatitaaffii pillugit Siunnersuisoqatigiit, KNAPK (Kalaallit Nunaanni Aalisartut Piniartullu Kattuffiat), Kommune Kujalleq,

Kommune Sermersooq, Kommune Qeqertalik, Eqqartuussisut Peqatigiiffiat, Landsforeningen af Forsvarsadvokater, Kalaallit Nunaanni Naligiissitaanissamut Siunnersuisoqatigiit, Politiforbundet i Danmark, Qeqqata Kommunia, Retspolitisk Forening, Nunatsinni Eqqartuussivik, Rigsadvokaten, Kalaallit Nunaanni Naalagaaffiup Sinniisua, Rigspolitiet, SIK (Sulinermik Inuussutissarsiuteqartut Kattuffiat), Utoqqaat Peqatigiiffiat aamma Utoqqaat Illersuisuat.

Inatsisinik Atuutsitsinermut Ministereqarfiup tusarniaanermi akissutinik ukunanga tigusaqarsimavoq:

Advokatrådet, Dommerfuldmægtigforeningen, Domstolsstyrelsen, Sulisitsisut, Nunatta Eqqartuussisuuneqarfia, Kommune Kujalleq, Kalaallit Nunaanni Naligiissitaanissamut Siunnersuisoqatigiit, Politiforbundet, Nunatsinni Eqqartuussivik, Rigsadvokaten aamma Rigspolitiet.

Tusarniaanermi akissutinik immikkoortut pingaarnert ataani allatorneqarput.

Tusarniaanermi akissutinik Inatsisinik Atuutsitsinermut Ministereqarfiup oqaaseqaatai *uingasunnngorlugit* allanneqarput

## 2. Tusarniaanermi akissutit

**Advokatrådet, Domstolsstyrelsen, Sulisitsisut, Nunatta Eqqartuussisuuneqarfia, Kommune Kujalleq, Politiforbundet, Rigsadvokaten aamma Rigspolitiet** inatsisissatut missingersuummut oqaaseqaatissaqanngillat.

**Kalaallit Nunaanni Naligiissitaanermut Siunnersuisoqatigiit** oqaatigaat, inatsisissatut siunnersuummi § 4 inatsisitigut Kalaallit Nunaannut atuutsitsinerup allannngortinneqarnissaannik imaqartoq, maanna inatsisitigut pissutsinik atuuttunit pitsanngoriaataassasoq.

*Kalaallit Nunaanni Naligiissitaanermut Siunnersuisoqatigiit pitsaasumik oqariartuuteqarnerat Inatsisinik Atuutsitsinermut Ministereqarfimmit tiguneqarpoq.*

**Dommerfuldmægtigforeningen** aamma **Nunatsinni Eqqartuussivik** inatsisissatut siunnersuummut aalajangersimasumik oqaaseqaatissaqanngillat, kisianni oqaatigalugu ilaatigut katissimanermi

kingorngussassanik agguaanermi inatsisip aamma toqukkut qimagunnermi kingorngussassanik agguaanermi inatsisip Kalaallit Nunaanni atuutilersinneqarneranni suliassa qarfiit eqqartuussivinnit Nunatsinni Eqqartuussivimmut nuussisoqassasoq, taamaammallu Nunatta Eqqartuussivianut isumalluutininik tunniussisoqanngikkuni nuussisoqartariaqassasoq. Nunatsinni Eqqartuussiviup tassunga atatillugu peqqussutit atuutilersinneqarnerannut atatillugu Nunatsinni Eqqartuussivik inatsilerituumut allaffimmiunullu marlunnut 1,8 mio. kr.-t tikillugit ukiumut aningaasartuuteqarneruneranik nassataqarnissaanik Domstolsstyrelsen siornatigut naliliisimanera innersuussutigaa.

*Inatsisinik Atuutsitsinermut Ministereqarfiup inatsisissatut siunnersuummut oqaaseqaatini nalinginnaasuni imm. 3-mi oqaaseqaatit innersuussutigai, tassani allassimalluni inatsisissatut siunnersuut Kalaallit Nunaanni eqqartuussivinnut ukiumut 1,3 mio. kr.-t missiliorlugit aningaasartuuteqarnerulersitsinissaa naatsorsuutigineqartoq. Aningaasartuutissat taakkua 2022-imi aningaasanut inatsisissatut siunnersuummi isumagineqarnissaat pilersaarutigineqarpoq, eqqartuussivinnut ukiumut 1,3 mio. kr.it immikkoortinneqarsimallutik.*

### **3. Inatsisissatut siunnersuut inatsisissatut missingersuummut atatillugu**

Inatsisissatut siunnersuutissatut missingersuummut tusarniutigineqarsimasumut atatillugu inatsisissatut siunnersuummi saqqummiunneqartumi tulliuttut allannguutigineqarput:

**3.1.** § 1, nr. 1, inatsisip pitsaassusaannut tunngassuteqartut pissutigalugit naleqqussarneqarsimapput, taamaalilluni § 55-imi aamma § 57-imi imm. 1-imi »inatsip« kingorna ilanngunneqassalluni: », kingorngussinermut inatsisip ataani, inatsip toqusimasup pigisaanik agguaaassinermi kiisalu katissimasap pigisaanik agguaaassinermi inatsimmi il.il., Kunngip peqqussutaanik Kalaallit Nunaannut atuutsilersitami,«. Tamatuma kingunerisaanik § 1, nr. 2 tusarniaanermi allanneqarsimasoq peerneqarpoq.

**3.2.** § 2, nr. 1-imi » § 22, imm. 1, 2. imm.« uunga allanngortinneqarpoq: » § 22, imm. 1, 4. imm.«

**3.3.** Inatsisissatut siunnersuummi § 1, nr. 1-imut, § 2, nr. 1-imut aamma § 4, nr. 1-imut oqaaseqaatinut aamma itisiliisoqarpoq.

**3.4.** Tamatuma saniatigut oqaatsit tungaatigut inatsisilerinermilu teknikitigut allannguisoqarpoq kiisalu inatsisissatut siunnersuutip aningaasaqarnikkut sunniutaanik nassuiaammik ilanngussisoqarluni.